

術家收黃

七十五卷
六

御纂醫宗金鑑卷七十四

編輯外科心法要訣目錄

發無定處

下

疥瘡

癬

黃水瘡

暑令瘍毒小癰

瘰癧

產後癰疽

翻花瘡

無圖

血風瘡

瘡痛

浸淫瘡

火赤瘡

貓眼瘡

魚脊瘡

骨痠瘡

風疔 無圖

血疔

白疔

漆瘡

血箭

血痣

腰痛 無圖


瘡口誤入毒水 無圖

諸瘡生蠅蛆 無圖

御纂醫宗金鑑卷七十四

編輯外科心法要訣

癰瘡圖



癰瘡五種

疥瘡

疥瘡乾濕蟲砂膿各經蘊毒風化成治論上下分肥瘦清風利濕兼殺蟲

註此證有乾濕蟲砂膿之分其形雖有五種總由各經蘊毒日久生火兼受風濕化生斯疾或傳染而生凡疥先從手了生起遠遍週身瘙癢無度如肺經燥盛則生乾疥瘙癢皮枯而起白屑如脾經濕盛則生濕疥勢腫作痛破津黃水甚流黑汁如肝經風盛則生蟲疥瘙癢徹骨撓不知疼如心血凝滯則生砂疥形如細砂歟赤癢痛抓之有水如腎經濕熱則生膿窠疥形如豆粒便利作癢膿清淡白或

脾經濕盛亦生膿窠疥但頂含稠膿癢疼相兼爲異疥雖
有餘之證而體虛之人亦生以便秘爲實便利爲虛亦有
虛而便燥者如風秘則便燥血分枯燥則便澀又在瘡形
色重色淡及脈息之有力無力辨之初起有餘之人俱宜
防風通聖散服之虛者服荆防敗毒散透發之及形勢已
定則無論虛實乾疥服消風散濕疥服蒼朮膏蠱疥服蘆
薈丸砂疥服犀角飲子膿窠疥服秦艽丸經久不愈血燥
者服當歸飲子外治乾疥者擦繡毬丸濕者擦臭靈丹潤
燥殺蟲俱效疥生上體多者偏風熱盛下體多者偏風濕
盛肥人多風濕瘦人多血熱詳辨治之

蒼朮膏

南蒼朮

十觔切片入砂鍋內水煮減半取汁再加水煮如前以木無沫爲度餅汁一處用小砂鍋再煎如乾一寸加汁一寸煎成膏加蜂蜜四兩和勻

每服二羹匙空心白滾水調服

方歌

蒼朮膏醫濕疥瘡切片入鍋煮取湯熬膏加蜜空心服濕除熱散勝羣方

犀角飲子

犀角

赤芍

牡丹皮

元參

木通

赤小豆

炒

石菖蒲

各一錢五分

甘草

生一錢

生薑三片水二鍾煎八分服

方歌犀角飲子砂疥生癢疼色赤出心經芍菊元參通赤豆莖

蒲薑草水煎成

秦艽丸

秦艽

苦參

六黃

酒蒸

黃耆

各二兩

防風

漏蘆

黃連

各一兩五錢

烏蛇肉

五錢

酒浸焙乾

共爲細末煉蜜爲丸如梧桐子大每服三十丸食後溫酒

送下

方歌秦艽丸服膿疥愈清熱癢除瘡自去苦參大黃風漏蘆烏

虬黃連耆蜜聚

當歸飲子

當歸

生地

白芍

酒炒

川芎

何首烏

荆芥

防風

白蒺藜

各一錢

黃耆

甘草

各五分
生

水二鍾煎八分食遠服

方歌當歸飲子膿疥久癢添血燥不能除四物黃耆何首草荆

防痰入風自疎

補血丸

川椒

輕粉

樟腦

雄黃

枯白礬

水銀各二錢

大風子肉

一百枚
另研

共研細末同大風子肉再碾勻加柏油一兩化開和藥攪

勻作丸以二掌合搓如圓眼大先以鼻聞次擦患處

方歌繡毬丸用椒輕粉樟腦雄黃礬水銀大風子研柏油兌乾

疥搓擦效如神

臭靈丹

硫黃末

油核桃

生豬脂油各一兩

水銀一錢

搗膏用擦患處

方與靈丹擦膿濕疥硫黃末共
油核桃生豬脂油各一兩水

銀一錢同搗膏

防風通聖散 見頭部

荆防敗毒散 見頭部

消風散 見頭部

蘆薈丸 見牙齒部

癰

瘡

圖

癰瘡六種



癬

癬證情形有六般風熱濕蟲是根
乾濕風牛松刀癬春生桃
花面上旋

此證總由風熱濕邪侵襲皮膚鬱久風盛則化爲蟲是以
搔癢之無休也其名有六一曰乾癬搔癢則起白屑索然
彫枯二曰濕癬搔癢則出黏汁侵淫如蟲行三曰風癬即
年久不愈之頑癬也搔則痂頑不知痛癢四曰牛皮癬狀
如牛領之皮厚而且堅五曰松皮癬狀如若松之皮紅白
斑點相連時時作癢六曰刀癬咽喉全無縱橫不定總以
殺蟲滲濕消毒之藥敷之輕者半蹄根散久頑者必效散

搽之亦有脾肺風濕過盛而腫痛者宜服散風苦參丸解
散風濕其腫痛卽消又有面上一風癰初如瘡痛以漸成細
瘡時作痛癢發於春月又名以花癰卽俗所謂桃花癰也
婦女多有之此由肺胃風熱隨陽氣上升而成宜服疎風
清熱飲外用消風玉容散每日洗之自效

羊蹄根散

羊蹄根

八錢

枯白礬

二錢

共研勻米醋調擦癰處

方歌

羊蹄根散敷諸癰羊蹄根共枯白礬二味研末加米醋搽

患滲濕癢可痊

必效散

川槿皮

四兩

海桐皮

大黃

各二兩

百藥煎

一兩四錢

巴豆

一錢五分
去油

盤螯

一個
全用

雄黃

輕粉

各四錢

落

共研極細末用陰陽水調服將癬抓損薄敷藥乾必待自

方歌

必效大黃百藥煎川槿海桐巴豆盤雄黃輕粉陰陽水調

搽諸癬久年頑

散風苦參丸

苦參

四兩

大黃

炒香

獨活

防風

枳殼
麩炒

元參

黃連

各二兩

黃芩

梔子
生

菊花

各一兩

共研細末煉蜜爲丸如梧桐子大每服三十九食後白滾水送下日用三服茶酒任下

方歌散風苦參風濕盛癰瘡多癢腫痛兼大黃芩獨防風枳元

參梔子菊黃連

疎風清熱飲

苦參

二錢酒浸蒸九次炒黃

全蠍

土炒

皂刺

豬牙皂角

防風

荆芥穗

金銀花

蟬蛻各一錢

酒水各一鍾加葱白三寸煎一鍾去渣熱服忌發物

方歌疎風清熱風癰患時作痛癢極纏綿苦參蠟刺豬牙皂防

風荆芥銀花蟬

消風玉容散

綠豆麪三兩

白菊花

白附子

白芷各一兩

熬白食鹽五錢

共研細末加水片五分再研勻收貯每日洗面以代肥皂

方歌消風玉容綠豆麪菊花白附芷食鹽研加水片代肥皂風

除癰去最為先